

imperpetuum ad ejus vel eorum libitum et voluntatem possint P. R. O.
et valeant assignare alienare concedere dimittere vel feoffare
premissorum tot tales et tantas partes et parcelas ea perquirere
volenti vel volentibus quot quales et quantas duxerunt oppor-
tunas Habendum et tenendum eisdem persone et personis ea
capere vel perquirere volenti vel volentibus heredibus et
assignatis suis in feodo simplici vel Feodo talliato vel pro
termino vite vitarum vel Annorum tenendum de prefato modo
Barone de Baltimore heredibus et assignatis suis per tot tanta
talia et hujusmodi servicia consuetudines et redditus quot
quanta et qualia eidem modo Baroni de Baltimore heredibus
et assignatis suis visum fuerit vel placuerit et non de nobis
heredibus vel Successoribus nostris immediate Et eisdem
persone et personis et eorum cuilibet et quibuslibet damus et
per presentes pro nobis heredibus et Successoribus nostris
concedimus licenciam authoritatem et potestatem quod talis
persona et persone premissa sive aliquam inde parcelam de
prefato modo Barone de Baltimore heredibus et assignatis suis
recipere possit et possint ac tenere sibi et assignatis suis vel
heredibus suis de quocunque statu hereditario in Feodo
simplici vel Feodo talliato vel aliter prout eis et modo Baroni
de Baltimore heredibus et assignatis suis videbitur expedire de
eodem Barone de Baltimore heredibus et assignatis suis
Statuto in Parlamento domini Edwardi filii Regis Henrici
nuper Regis Anglie Progenitoris nostri edito communiter
vocato Statuto Quia Emptores terrarum in regno nostro Anglie
dudum edito Aut aliquo alio statuto actu ordinatione usu lege
vel consuetudine aut aliqua alia re causa vel materia in con-
trarium inde antehac habito facto edito ordinato seu proviso in
contrarium inde in aliquo non obstante Ac eidem Baroni de
Baltimore et heredibus suis particulas aliquas terre infra
Provinciam predictam in Maneria erigere et in Maneriis eorum
singulis habere et tenere Curias Baronis ad omnia que ad
Curias Baronis pertinent et visus Franciplegii ad conserva-
tionem pacis et melius parcium illarum regimen per se et
Seneschallos suos vel aliorum maneriorum illorum cum con-
stituti fuerint dominos pro tempore existenti deputandos
habere et custodire et in eisdem omnibus uti ad visus Franci
plegii pertinentibus licenciam damus et concedimus per pre-
sentes Ac ulterius volumus ac per presentes pro nobis
heredibus et Successoribus nostris convenimus et concedimus
ad et cum prefato modo Barone de Baltimore heredibus et
assignatis suis quod nos heredes et Successores nostri nullo
tempore imposterum aliquas impositiones Custumas aut alias
taxaciones quotas seu contribuciones quascunque imponemus
aut imponi faciemus aut causabimus in aut super Incolas aut
Inhabitantes Provincie predictae pro bonis terris vel tenementis